

БАСПАСӨЗ РЕЛИЗИ

«ҚазМұнайГаз» Барлау Өндіру» АҚ экспорттық баж салығының енгізілуіне байланысты өзінің инвестициялық бағдарламаларын қайта қарайды

Астана, 8 сәуір 2008 ж.

Ақпараттық агенттіктердің хабарлауынша, бүгін Қазақстан Республикасының Үкіметі таяу болашақта мұнайдың тоннасына 109,91 АҚШ доллары (баррель үшін 15 АҚШ доллары шамасында) мөлшерінде экспорттық кедендік баж салығын (бұдан әрі -ЭБС) енгізу туралы шешім қабылдады. «ҚазМұнайГаз» Барлау Өндіру» АҚ (бұдан әрі ҚМГ БӨ, Компания) әзірге аталған баж салығын енгізу және қолдану мерзімі, оның есептеу тәртібі туралы ашқандай ресми ақпарат алған жоқ, алайда, баж салығы әлемдік мұнай бағасына байланысты өзгереді деп күтілуде.

Компанияның жекелеген келісімшарттарына экспорттық баж салығының енгізілуі жақын күндерде нақтыланады. Қолда бар мәліметтерге қарағанда, экспорттық баж салығы ҚМГ БӨ өндірістік филиалдары – Өзенмұнайгаз бен Ембімұнайгазда өндірілген мұнай көлемінен экспортқа шығарылатын мұнайдың барлығына немесе бір бөлігіне енгізілетін болады. 2007 жылы Компанияның осы екі негізгі активінде өндірілген жалпы көлемнен экспортқа шығарылған мұнай көлемі 7,3 миллион тоннаны құрады. Қазгермұнай және CCEL (Қаражанбасмұнай) компанияларының, оның әрқайсысында ҚМГ БӨ-дің 50 %-дық үлесі бар, келісімшарттарында кедендік режимнің тұрақтылығы қарастырылғандықтан, бұл кезеңде аталған компаниялар экспорттық баж салығын төлеуден босатылады деп күтілуде.

Егер экспорттық баж салығы Өзенмұнайгаз және Ембімұнайгаздың экспорттық жеткізілімдерінің барлық көлеміне тоннасына 109,91 АҚШ доллары мөлшерінде енгізілетін болса, онда Компанияның жылдық қаржылық нәтижесі табыс салығы мен үстеме табыс салығын төлегенге дейін шамамен 800 миллион АҚШ долларын құрайды. Экспорттық баж салығы табыс салығы мен үстеме табыс салығы мақсаттарына арналған салық салу базасынан шегерілетін болады.

Салық салу көлемі артып жатқан тұста ҚМГ БӨ өзінің өндірістік, қаржылық, инвестициялық жоспарларына талдау жасайды. Атап айтқанда, мұнай талдау капитал салымы бюджетіне, мұнай өндіру көлемінің жоспарына, барланған қорлардың бағасына, сондай-ақ жаңадан активтерді сатып алу жоспарларына жүргізілетін болады.

Аталған мәселеге түсініктеме бере келе, Компанияның бас директоры Асқар Балжанов былай деп мәлімдеді: «Жауапты салық төлеуші болып табыла отырып, біз Үкіметтің бұл шешіміне бағынамыз. Фискальді жүктемелердің артуы мен инвестициялық ресурстардың қысқаруы жағдайында біз шығындарды қатаң бақылау отырып, өз күш-жігерімізді дамудың неғұрлым тартымды мүмкіндіктеріне жұмылдыратын боламыз».

АНЫҚТАМА:

ҚМГ БӨ Қазгермұнай және CCEL (Қаражанбасмұнай) компанияларындағы үлестерді қоса есептегенде 2007 жылы 10,6 млн. тоннадан (тәулігіне 217 мың баррелден) асатын мұнай өндіру көлемі бойынша Қазақстанда екінші орынға ие. ҚМГ БӨ-нің мұнайдың дәлелденген және болжамды қорларының көлемі

2007 жылдың аяғындағы жағдай бойынша 240 млн. тоннаны (1,8 млрд. баррелді), ал еншілес компаниялардағы үлесті есептегенде 2 млрд. баррельден астамды құрайды. Компанияның акциялары Қазақстан Қор Биржасында, ал ауқымды депозитарлық қолхаттары – Лондонның Қор Биржасында листингтен өтті. 2006 жылдың қыркүйегіндегі IPO кезінде Компания 2 миллиардтан астам АҚШ долларын тартты.

Байланыстық ақпарат:

«ҚМГ БӨ» АҚ, Қоғаммен байланыс (+7 7172 977908, +7 7172 977924)

Зухра Сұлтанова

e-mail: pr@kmgep.kz

«ҚМГ БӨ» АҚ, Институционалдық инвесторлармен байланыс (+7 7172 975433)

Александр Гладышев

e-mail: ir@kmgep.kz

WMC Communications Ltd/Pelham PR (+44 203 178 44 18)

Елена Добсон

e-mail: Elena.dobson@wmccommunications.com

Болашаққа қатысты мәлімдеме

Осы құжатта «болашаққа қатысты мәлімдеме» болып табылатын немесе есептелетін мәлімдеме қамтылған. Басқаларының арасындағы «санайды», «алдын ала бағалау бойынша», «күтіп отыр», «болжам бойынша», «ұйғарып отыр», «жоспарлап отыр», «ұйғарды», «болады» немесе «болуы тиіс» деген сөздерді қоса алғанда болашақты сипаттауға арналған терминология, не, әр жағдайда осыған ұқсас немесе пара-пар терминология, не талқылауға арналған сілтемелер, болашақ оқиғаның немесе ниеттің жоспарлары, мақсаттары, міндеттері келешекке қатысты мәлімдемені түсіндіруге арналған. Болашаққа қатысты аталған мәлімдеме тарихи фактілер болып табылмайтын барлық мәлімдемелерді қамтиды. Олар ниеттер, пікірлер туралы мәлімдемелерді және Компанияның солармен қатар қызметтің нәтижелеріне, қаржылық жағдайға, Компания жұмыс істеп отырған стратегиялар мен салалардың жойылымдылығына, перспективаларына, өсуіне қатысты күтулері туралы мәлімдемелерді ішкі шектеусіз қамтиды. Өз тұрғысында болашаққа қатысты өтінімдер олар болуы мүмкін келешектегі оқиғалар мен жағдайларға қатысты болғандықтан тәуекелмен және белгісіздікпен байланысты. Болашаққа қатысты мәлімдемелер қызметтің болашақ нәтижелерінің кепілдігі болып табылмайды және Компания қызметінің іс жүзіндегі нәтижелері, қаржылық жағдайы және қызметін тоқтатуы және Компания жұмыс істейтін елдер мен салалардың дамуы осы құжатта сипатталған нұсқалардан айтарлықтай өзгеше болуы немесе осы құжатта қамтылған болашаққа қатысты мәлімдемелерге сәйкес жүзеге асуы мүмкін. Компания жаңа ақпараттар алудың, болашақ оқиғалардың немесе қандай да бір өзге де жағдайдың нәтижесінде болса да осы құжатта қамтылған салаға қатысты қандай да болмасын ақпаратты немесе болашаққа қатысты қандай да болмасын мәлімдемені жаңартуды жоспарламайды және ол жөнінде өзіне міндеттеме алмайды. Компания болашаққа қатысты мұндай мәлімдемелерде айтылған нәтижелерге қол жеткізілетіндігіне қатысты ешқандай мәлімдеме жасамайды, ешқандай растау бермейді және ешқандай болжам жарияламайды.